



Crisis Theologica

Cárdenes, Juan de

Sevilla, 1687

Cap. II. Quomodo intelligatur opinio tutior circa valorem, cum tutior sit opinio practica; & quæ est circa valorem, sit speculativa?

[urn:nbn:de:hbz:466:1-75689](#)

CAPVT II.

Quomodo intelligatur opinio tūtior circa valorem, cum tūtior sit opinio practica; & quæ est circa valorem, sit speculativa?

SUMMARIUM.

Quæ dicitur opinio tūtior, & quæ minus tuta circa valorem Sacramenti?

n. 7.

Difficultas circa intelligentiam propositionis. n. 8.

Quomodo intelligatur, quod opinio speculativa sit tūtior? n. 9.

In quo censu intelligatur, posse nos uti qualibet opinione probabili in collatione Sacramentorum? n. 10.

Hac propositis [validus est Baptismus in lixivio non est practice probabilis, sed solum speculativa.

n. 11. & 12.

Non est idem, quod opinio sit tūtior, & quo sit probabilior. n. 13.

7. **O**pinio minus tuta dicitur illa, quæ exponit Sacramentum frustrationi, probabiliter asserens, illud Sacramentum esse validum. Opinio vero tūtior est illa, quæ non exponit Sacramentum frustrationi, dum probabiliter asserit, Sacramentum non esse validum, v.g. in ea quæstione, [An valeat Baptismus collatus in lixivio?] ea opinio, quæ asserit probabiliter, illum valere, dicitur opinio minus tuta, quia cum non sit certum, illum valere, exponit Baptismum frustrationi. Opinio vero, quæ dicit, cum Bap-

tismum non valere, dicitur opinio tūtior, quia inde sequitur, quod non debet ita fieri Baptismus extra casum necessitatis. Quia ratione non frustrabitur Sacramentum, atque adeo tūtius erit, quod non ita ministretur Baptismus.

8. Sed contra hunc dicendi modum occurrit difficultas, quam disolvere, & explicare operæ pretium est, Et sic formatur argumentum. Opinio tūtior non versatur circa valorem Sacramenti: quomodo ergo dicitur in decreto quod administratione Sacramentū debeat sequi opinionē tūtiorē circa valorem Sacramenti? Antecedens probatur. Nam opinio tūtior, quæ removet à periculo frustrationis Sacramentum, est opinio practica, quia nullum potest esse periculum, nisi in praxi. Atqui opinio, quæ versatur circa valorem Sacramenti est opinio pure speculativa, quia non dicit quid faciendum sit, solum qualis sit ille Baptismus, scilicet validus, aut invalidus ergo.

9. Respondeo, proprio loquendo, & cum omnimoda formalitate verum esse, quod contendit obiectio. Sed in communī modo loquendi non utimur eo rigore formalitatis. Pro cuius explicatione notandum est, hanc propositionem practicā: *Non licet baptizare in lixivio*, pendere ab altera propositione speculativa, quæ dicit: *Non est validus Baptismus in lixivio*. Et propter hanc dependentiam illius ab ista, ideo propositio speculativa, dicitur tūtior, quia licet non respiciat formaliter proxim, tamen à veritate illius dependet praxis. Simile exemplum repertus in ea quæstione, [An liceat usus artis pictoriæ in die festo,] quæ cum sit quæstio practica, eius resolutioni dependet à resolutione huius quæstionis speculativæ, [An usus artis pictoriæ sit opus servile, an libera-

les]

PROPOSITIO I.

69

le?] Si enim servile est, non licet illum exercere in die festo : si vero liberale est, licet: quia solum prohibentur in die festo opera servilia, non autem liberalia / non enim loquimur in praesenti de forensibus actionibus; nec de exemptionibus, aut nuditinis) Et in hoc sensu opinio, quæ dicit, esse opus servile, dicitur tutior, quamvis non sit opinio practica, quatenus ab illius veritate dependet opinio practica. Et in hoc sensu intelligitur id, quod dicitur in Decreto, quod semper deducenda sit ad proxim opini tutior circa valorem Sacramenti.

10. Ideo non contradicunt decreto ea, quæ dixi in 3. part. Cris. Theolog. disp. 56. cap. 17. art. 3. n. 918. & seqq. vt etiam ibidem notavi, scilicet formalissime loquendo posse vti nos qualibet opinione practice probabili in administratione Sacramentorum, in eo sensu, quod nulla est opinio practice probabilis, si exponit Sacramentum frustrationi. Quia improbabile est, quod extra casum necessitatis, licitum sit exponere Sacramentum frustrationi.

11. Quod si obijcas, hanc opinionem [validus est Baptismus in lxxiv] esse probabilem, & tamen exponere Sacramentum frustrationi; male ergo diximus, esse improbabilem omnem opinionem, quæ exponat Sacramentum frustrationi?

12. Respondeo, eam propositi nem, licet probabilis sit, tamen formaliter non esse practice probabilem: nam vt diximus, ea non est practica, sed speculativa. Nos autem solum diximus, nullam esse opinionem practice probabilem, quæ exponat Sacramentum frustrationi.

13. Denique observandum est, non esse idem, quod opinio tutior, & quod si probabilior: sepe enim opinio probabilior prescribit valorem

Sacramenti; cum tutior sit illa opinio probabilis, quæ negat valorem Sacramenti. Quare ex tenore decreti tenemur omittare opinionem probabiliorum circa valorem Sacramenti, quando minus probabilis est tutior.

C A P V T III.

An sub ea damnatione continetur opinio asserens, non esse peccatum mortale contra reverentiam Sacramenti, uti opinionem minus tuta circa valorem eius?

SVMMARIVM.

Scopus huius damnationis est contra eam opinionem, quæ expavit Sacramentum frustrationi. n. 14.

Ex dupli titulo charitatis, & Religionis potest intelligi, quod excludatur opinio minus tuta. n. 15.

Prima sententia, quæ asserit peccare mortaliter contra Religionem, qui vitetur opinione minus tuta circa valorem. n. 16.

Secunda sententia affirmans, id non esse peccatum contra Religionem. n. 17.

Peccant graviter conferentes, & recipientes Sacramenta, ita ut frustretur fructus eorum. n. 18.

Opinio asserens, non peccari contra Religionem, si admittat, quod licet frustri Sacramentum, subiicitur damnationi. n. 20.

Opinio affirmans, numquam esse licitum frustriare Sacramentum suo fructu, licet admittat non peccari contra Religionem, non subiicitur.